


Iroun Beretitenti
Thomas S. Monson

Mannikiba ma Karaia ae Kureei iaon Baia ni Kiba

E kaan 60 te ririki n nako, ngke I beku bwa te bitiobi ngke te kairake ngai, Kathleen McKee, te aine ae mate buuna n au uoote, are e a tia n toki maiuna. Ibuakon ana bwai boni iai teniman ana man ae tatangirii aikamannikiba. Uoman, ma karaia ae a rangi n tamaroa ae baboboo, aika a nangtauraoi ni kanakoaki nakoia raoraona. Te kateniman, Billie, e baboboo karana man kunikun kureei aon baia ni kiba. Titita McKee iai ana rongorongo ae koroia nakou: "Ko kona ngkoe ao am utu ni karaoa mweengana ibukina? E aki rangin tikiraoi, ma e rangi n tamaroa bwanaana."

Titita McKee bon aekakin raoi ana mannikiba are baboboo ma karana ae kureei iaon baina ni kiba. E aki kakabwaiaki n aron tamaroana, e bwain tangiraaki n aron teiteina, ke ni karineaki irouwia kanoana ni boong aika a na roko. Ma n te tai aei bwanaana e buokiia tabeman n ae korakora ni kabebetei rawawataia ao ni karaoi tabeia.

Te aonaaba e kaonaki ni mannikiba aika a baboboo ma karaia ae kureei iaon baia ni kiba. Te bwai ae nanoangaeaki bwa a karoko aika a rabakau n anene. Tabeman bon aomata aika kairake aika aki ataia bwa antai ngaiiaa, tera ae ana kona ni karikia ke n tangiria ni

kan riki bwa aekakira; te bwai ae a rangi n tangiria bon te kan riki bwa aomata ae iai aroia. Temwaangina a bon keerikaki n aia ririki, karawawataki ma te raraoma, ke ni kaonaki ma te nanououa—maiukinan maiu aika a raroa nako ma rinanin aia konabwai.

Ni maiukina ae tamaroa, ti na riai ni karikirakea te konabwai ni kaitarai kanganga ma te ninikoria, te rawawata nakon te kukurei, ao te tokanikai ma te nanorinano. Ko titiraki, "Ti na kangaa n tokanikai iaon kouru aikai?" I kaekaa, "Mani karekean te atatai ae koaua bwa antai raoi ngaira!" Boni ngaira naati mwaane ao naati aine iroun te Atua ae maiu, are e karikira ni katootoonga arona. Iangoa anne: *karikaki ni katotongan te Atua*. Ti aki kona ni kakoaua aei n akean rinanoakin te atatai ae bwanin n te korakora ao te mwaaka.

N ara aonaaba, te aroaro n anua n tabetai e taraa ni karoko kakawakina nakon te tamaroa ke te mwaaka ni kakukurei ke n anaa nanon te aomata. Ma n taai ake ngkoe te Uea e anga te kaetieti nakon Tamuera bwaanan te burabeti ae e okioki: "Ba E aki taraa te aba Iehova n ai aron te aomata ngkana e taraa te aba; ba e tarataraa tinanikun te aba te aomata, ma E tarataraa te nano Iehova" (1 Tamuera 16:7).

Ngke e ukoukora te aomata ae iai ana onimaki te Tia Kamaiu, E aki rinea mai ibuakon te bwariko aika a rangi n raoiroi aika aki toki ni kuneaki ni katoa tai inanon maneabaia. Taraana, E weteia mai ibuakoia taan akawa mai Kaberenaum. Te nanououa, te aki reirei, Timon e a riki bwa Betero n te tai ae waekoa, te Abotoro ae onimaki. Te mannikiba ae baboboo ma karana ae kureei iaon baina ni kiba e rangi n tau ibukin ana kakoaua ae bwanin te Mataniwii ao ana tangira ae e aki bibitaki.

Ngkana e rinea te mitinare ae korakora ao ni mwaaka te Tia Kamaiu, E kunea bwa tiaki mai ibuakoia Ana Tia Tei ma mai ibuakoia Taan Kaitaraa. Tauro te tia bwainikirina te Ekaretia e a riki bwa Bwauro te tia taetekina te euangkerio.

Te Tia Kabooi Maiura e rinea aomata aika aki kororaoi bwa a na reiakina te kawai nakon te kororaoi. Ngkana E boni karoia. E karoia ngkai—n ai aroia naba mannikiba aika a baboboo ma karaia ae kureei iaon baia ni kiba. E weteiko ao ngai bwa ti na beku Irouna ikai iaon te aba. Ara motinnano e riai ni bwanin. Ao inanon korakaira, ti kona ni bwaka, ao ti na bubuti ma te nano ae korakora: “Ti riai ngaira, o kairira, ana tia karikibwai te Atua, man te roo ni kata riki ara kabanea ni konaa.”¹

Au tataro bwa ti na ira ana banna ni katooto te Aomata mai Kariraia, are e aki toki n nooraki ni mena ibuakoia ake a kainnano, a uruaki n nano, ake a kairaki n akea inaomataia, ao ake a rootaki. E bia otinako mai inanora te bwanaa ae koaua n aron ae ti tabe ni karoia.

BWAII AIKA A NA TARAAKI

1. “Fight Song,” Yonkers High School.

REIREI MAN TE RONGORONGO AEI

Ngkana ko reirei . . . , e bon rangi ni ibuobuoki ni kairikiia taan reiakinaki bwa a na taraa ke n ongora te bwai ae e koaua” (*Teaching, No Greater Call* [1999], 55). Ni buokia kaain am utu ni kamaataataia n ana rongorongo Beretitenti Monson, iangoia n titirakinia bwa a na katauraoi n tibwaua te bwai are a tia n reiakinna imwiin warekan te rongorongo ni kabane. Kaoa temanna ma temanna te aine ke temwaane bwa e na tibwaua are e namakinna bwa e kakawaki n te rongorongo aei. Kainna man kaotan am koaua n ana rongorongo Beretitenti Monson.

Taetaekinan ana taeka te Atua, are e kanakoaki rinanoia Ana burabeti, e kona ni iai korakorana n rooti

maiua te koraki ake ti reireiniia (tara *Teaching, No Greater Call*, 50). Beretitenti Monson e taekinna bwa iai te korakora ao te mwaaka n ataakin ae ngaira natin te Atua. Imwiin warekan te rongorongo, titirakina te utu bwa ana tibwaua te bwai are e buokia ni kauringiia bwa antai ngaiia.

RORONRIKIRAKE

Tera te Tikiraoi ae Koaua?

Beretitenti Monson e taekinna n te rongorongo aei, “N ara aonaaba, te aroaro n anua n tabetai e taraa ni karoko kakawakina nakon te tamara ke te mwaaka ni kakukurei ke n anaa nanon te aomata.” Kairake n ataeinaine a na kona n teimatoa ni kaitara nakon katotongaia bwa antai ngaiia ao a na kona n riki bwa aekakira. langoi taian kantaninga aikai ibukin te tamara ae koaua mairoun Unimwaane Lynn G. Robbins n te Itingaun:

- Te kairake n ataeinaine ma moamoana ae e takiakia n reitaki ma te kukurei ao te tamara e kakiaa te tikiraoi mai inanona.
- Te moangare ae e tamara bon te tikiraoi ni koaua ngkai e kia n aanga aika a bwanin n aron teia. Te tikiraoi ni koaua e aki kona ni kabaarekaaki bwa bon ana bwai n tangira te Tamnei.
- Kunikai aika a riai bon te kanikina itinaniku ao e kainnanoaki ibukin te tikiraoi man te nano.
- Ngkana e bwara nanom ibukin taraakin teim, e na kona ni buoka noorakim rinanon mataia te koraki ake a tangiriko. Te tikiraoi ae e raba are e nooraki irouia aika a tangiraki e kona n riki bwa te tirotaam ibukin oin rikirakem.
- Te aekaki ni mwaane are e tangiria te aine ae tamara ni kan iein mangaia e na “aki taraa” n ai aron te aomata ngkana e taraa te aba (tara 1 Tamuera 16:7). E na bae ni katikaki nanona nakon te tikiraoi ni koaua are e kakiaa mai inanona ae e itiaki ao ae e kakukurei. Tii tebo naba ibukin kairake n ataeinaine ngkana e kakaea te kairake n ataeinimwaane ae tamara.
- Tamara are i Karawa e kantaningaia natina ni kabane bwa a na rinea te eeti, are bon tii te kawai nakon te kimwareirei ae akea tokina ao te tamara are n te nano.

- Ma ngkai iai te Uea, akea te kauaia. Ni kabane ti tebo te kakabwaia nakoia ni karekea Katotongan te Atua ae toka iaon moaia (tara Arama 5:19). Bon akea te tikiraoi ni koaua.

Ni warekan te rongorongo ae e bwanin, tara Lynn G. Robbins, "True Beauty," *New Era*, Nobembwa. 2008, 30. Kairake n ataeinimwaane a kona ni kunea te reirei ae ti tebo n Errol S. Phippen, "Buntake aika Buretireti ke te Tiuaoen ae Karineaki? E bon Nakoiom," *Riaona*, Okitobwa. 2009, 36.

ATAEI

Anenea Kunam ae Mamate Nanom iai

Beretenti Monson e taekina rongorongon ana manikiba Titita McKee ake teniman. Uoman a bane ni baboboo ni kabane. A rangi ni kororaoi tarakiia! Te

kateniman e aki rangi ni kororaoi taraakina ibukina ngkai e uantanta kureei aon baina ni kiba. Ma Titita McKee e tangiria ibukina ngkai e bwanaa raoi ngkana e anene.

Tabeman aomata a namakinna bwa aki rangi n tikiraoi ke ni wanawana n ai aroia te korakina. Ma temanna n tatabemania e bon rangi ni kakawaki iroun te Uea. Ti kona ni kakaonimaki ao n ninikoria ao ni kabonganai ara taarena ni beku ibukiia tabeman. Ngkanne ti tebo ngaira ma mannikiba aika a baboboo ma karaia ae kureei iaon baia ni kiba. Tiaki kororaoi, ma tia anenei kunara aika a mamate nanora iai!

Korei teniua kawai ae ko kona n anenei kuuna aika a mamate nanom iai ibukin te Uea.

I kona n anenea kunau ae mamate nanou iai ibukin te Uea man:

1. _____
2. _____
3. _____

Kabouuan te Berita rinanon te Toa



Reirei koroboki aika tabu ma taeka aikai ke, ngkana e tangiraki, te tua riki teuana ae na kakabwaiaia mwanemi aka kam kawariia. Anga am koaua iaon te reirei. Kaoia naake ko kawariia bwa a na tibwaua te bwai are a tia n namakinna ao n reireiaki.

Iesu Kristo e Katabua te Toa

“Ao E a na te berena Iesu, ao E tataro, ao E tabeutaia, ao E angania ana reirei, ao E kangai, Ania kanna; ‘rabatau aei.’ (Mataio. 26:26). ‘Rabatau aei, ae I anga i bukimi: kam na karaoa aei ba kanuringau’ (Luke 22:19). Ao e ana te mwangko ao e tataro ni katituaroi, ao E angania, ao E kangai, Te mwangko aei te berita nabangkai inanon raraau,’ ‘ae kawaawaaeaki . . . ba bwain kabwaan bure.’ ‘Kam na karaoia bwa kanuringau.’ . . .

“Inanon te ru mai ieta e riki rinanon mwanangaia nako Ketetemane ao Korokota, natin te taeka n akoi a mena iaan te berita n kauringa ana anga karea Kristo n te kawai ae onoti ae boou, ae rietata ao ae rangin tabu.”¹

Unimwaane Jeffrey R. Holland n te Kooram n Tengaun ma Uoman n Abotoro.

Ti Kabouua Ara Berita n te Bwabetito rinanon te Toa

“Ngkana ti rinanon te bwabetito, ti katokaa iaora aran Iesu Kristo ae

e tabu. katokaakin Arana iaora bon teuana mai ibuakon te bwai are e a tia n riki ae e rangi ni kakawaki are tia tia ni karekea inanon maiura. . . .

“Ni katoa wiiki n te bootaki n toa ti berita bwa ti na kauringa te anga karea ni karaoan te mwakuri ni kamaiu are e karaoia te Tia Kamaiu ngkai ti kabouui ara berita n te bwabetitio. Ti berita bwa ti na karaoa are e a tia ni karaoia te Tia Kamaiu—n ongeaaba nakon te Tama ao ni kaawakin ana tua n taai nako. Te kakabwaia are ti karekea bwa boon mwiina e na memena Tamneina iroura n taai nako.”²

Unimwaane Robert D. Hales kaain te Kooram n te Tengaun ma Uoman.

“I mena irarikin te teinaine ae waniua ana ririki n te bong are e bwabetito iai. N tokin te bong anne e taetae ma onimakinana i bon ironuna, ‘I a tia ni bwabetitoaki ibukin te bong ae bwanin, ao I aki kona ni manga karaoa te kairual’ Ma ana bong are e kororaoi iai e aki teimaan, ao I kakoaua bwa e a reireiaki ma ngkai, n ai aron ae ti bane n reireiaki, are e kaangaanga ngkai, tiaki kona n taai nako n totokoi bwaai aika aki raoiroi, ni katoa rinerine aika a kaairua. . . .

“. . . E aki kona ni karaoaki raoi te bitaki i bon iroura. Oin ara konaa ao oin ara babaaire aika a raoiroi a bon aki tau. Ngkana

IBUOBUOKI IBUKIN TE REIREI NI KAKAWARI

Ngkana ko a moanna ni kiniaa te aine ma ana utu; kakaai kawai ae ko kona ni buokia ni kabouua ana betita rinanon te toa. Ngkana e aki kaakaea te bootaki n toa; ko kona ni kaoa bwa e na kaea ke e karaoa te ibuobuoki ibukin karaoan baikai (bao ni mwamwananga, ibuobuoki ma ataei, te rao n tekateka irarikina, ao a mwaiti riki)?

OIN AM KATAURAOI

Ruka 22:19–20

1 I Korinto 11:23–28

3 Nibwaai 13:1–12

ti karaoi kaairua ke e aki tau ara rinerine, ti na riai ni karekea ana ibuobuoki ara Tia Kamaiu ni manga oki nakon te kawai ae e eti. Ti butimwaea te toa te wiiki imwiin te wiiki ni kaota ara onimaki inanon Mwaakana bwa e na ibitiira. Ti kaoti ara bure ao ti berita bwa ti naaki manga karaoi.”³

Julie B. Beck, te Beritenteni ni Kabutan Aia Bootaki Aine.

BWAAI AIKA ANA TARAAKI

- Jeffrey R. Holland, “This Do in Remembrance of Me,” *Ensign*, Nov. 1995, 67.
- Robert D. Hales, “Te Berita n te Bwabetito: Maeka n te Abanuea ao man te Abanuea,” *Riaona*, Tianuare, 2001, 8.
- Julie B. Beck, “Te Ururing, Rairannano, ao te Bitaki,” *Riaona*, Meei 2007, 110–11.